

靈寶无量度人上品妙經卷之十六 地六

陰陽離合五行化體品

道言昔於玄變天中元明靈歌大真化土受
元始度人陰陽離合五行化體无量上品元
始天尊當說是經周迴十過以召十方始當

詣座天真大神上聖高尊妙行真人無鞅數
衆乘空而來凝輝明虛絳輦丹輿扶華翠葆
暎耀非煙瑞炁八靄靈光四纏九日九夜諸
天陰陽經緯二景三元停運息機太空審朗
洞極難名風雲靜肅物象敷榮一國地土山

川林木緬平一等無復高下土皆紋玉交纏
萬彩衆真侍座元始天尊玄坐浮空太極十
華九光之座說經一徧諸天大聖同時稱善
是時一國男女疾累悉得消除說經二徧物
遂其生說經三徧道炁歸形說經四徧人民

地六

富壽俱獲延長說經五徧二儀升降和合自
然說經六徧四時順德造育化愆說經七徧
百靈協化萬寶咸熙說經八徧率土之內安
裕豐康欣樂太平保世榮昌說經九徧風俗
淳厚尊崇道真說經十徧存亡受惠普賴玄

恩是時一國是男是女莫不傾心皆受護度
咸得長生

道言是時元始天尊說經一徧東方无極无
量品玉寶大神無鞅之衆浮空而至說經二
徧南方无極无量品玄真大神無鞅之衆浮
空而至說經三徧西方无極无量品太妙大
神無鞅之衆浮空而至說經四徧北方无極
无量品紫陽大神無鞅之衆浮空而至說經
五徧東北无極无量品度化大神無鞅之衆
浮空而至說經六徧東南无極无量品好生

大神無鞅之衆浮空而至說經七徧西南无
極无量品明華大神無鞅之衆浮空而至說
經八徧西北无極无量品玄冥大神無鞅之
衆浮空而至說經九徧上方无極无量品玉
虛大神無鞅之衆浮空而至說經十徧下方

地六

二

无極无量品真皇大神無鞅之衆浮空而至
十徧周竟十方无極天真大神一時同至一
國男女傾心歸仰來者有如雲飛霧集無鞅
之衆迨國一半土皆徧陷非可禁止於是元
始攝聚二景日月玄根盤結縈纏成一寶輪

大如車轂在空玄之中去地九丈元始登引
天真大神上聖高尊妙行真人十方无極陰
陽五行至真大神無鞅數衆俱入寶輪之中
天人仰看惟見勃勃暎其光明而入於中既
入寶輪不知所在國人廓散地還平正無復
欹陷元始即於寶輪之內說經都竟衆真監
度以授於我當此之時喜慶難言法事粗悉
諸天復位條欵之間寂無遺響是時天人遇
值經法普得濟度全其本年無有中傷天地
率土道合至真無虧無敗無動無擾無愆無

塞無乖無異無衰無滅物無夭喪命有長生
慈惠相保仁善協心國安民豐欣樂太平經
始出教一國以道預有志心宗奉禮敬皆得
度世

道言元始天尊說經中所言並是諸天上帝

地六

三

內名隱韻之音亦是真王內諱百靈之隱名
也出有入無離合陰陽五行變化其體歸常
能明能光能存能亡知而行之驅陰運陽非
世之常辭上聖已成真人通玄究微能悉其
章誦之十過諸天諸地陰陽五行運化之神

設禮致恭齊來敬仰妙用常和正氣不忘生
津自開品彙咸若無有墮殘至學之士誦之
十過則陰陽順德五行齊功上循天紀歷度
不窮保濟否厄絕而得延所以爾者學士道
炁未純體未合神撫調致理位未達玄任力
可以消却時災禳制運會但祛害而已獨其
殃禍輕誦此章考罰被身供養尊禮門戶興
隆世世昌熾與善因緣萬災不干神明護門
斯經尊妙獨步玉京度人无量爲萬道之宗
巍巍大範德難可勝

道言凡誦是經十過諸天齊到陰陽五行錯
謬之氣勃沴之理皆即協和界會至真道備
三年輔化通幽咸致神靈而運用玄關造育
生成如司其權錄名金闕簡在玉清也上學
之士修誦是經陰陽五行外內合玄外營恢
範內守天元內外之機符其自然世人受誦
則日月星辰降注其晶於其身中後皆得作
尸解之道魂神暫滅不經地獄即得返形遊
行太空此經微妙普度無窮一切天人莫不
受慶无量之福生死蒙惠上天之寶不傳下

世至士齋金寶效心盟天而傳輕泄漏慢殃
及七祖長役鬼官侍經五帝玉童玉女各二
十四人營衛神文保護受經者身

道言正月長齋誦詠是經陰陽離合萬物受
生剛柔和協錯綜五炁化體無傷形神永存

地六

四

七月長齋誦詠是經陰陽離合萬物受成載
營抱魄充備五德化體彰明形神永全十月
長齋誦詠是經陰陽離合萬物歸具混合玄
根育養五精化體常堅形神永昌認其上道
保鎮帝王國祚綿綿至治無疆八節之日誦

詠是經開導和氣集助化功修積無已登獲
仙宗本命之日誦詠是經陰陽五行神妙之
元保我生命扶我驅靈長離苦惱才有光明
三界侍衛五帝司迎萬神朝禮名書上天功
滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
炁之中內外蒼實有青龍白虎朱雀玄武
師子白鶴羅列左右日月照明洞煥室內

項生圖象光暎十方如此分明審呪曰

九上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經无量度人願所啓徑御
无上三十二天元始上帝至尊地六几前五畢

引炁三十二過東向誦經

元始无量度人上品妙經

元始洞玄靈寶本章陰陽離合五行化體上品妙旨十極度人天皇隱韻離合自然太極妙範幽微至玄大混之始運化百神清濁辨體升降陰陽交會變化景耀昭彰積氣定數五用分方下育其形上麗其精長養於中道有其常柔剛燥濕寒暑溫涼沖和元一總括靈網相資相化相剋相成無此不立無此不成無此不度無此不生是爲靈寶天中之真瓊琅上境會月之宮總攝萬界統御王晨鬱

靈寶先天度量人上品妙經

藹華煙縹緲之根三關九域承光妙宗金闕
玉房森羅淨露大行梵炁周迴十方中有陰
陽造化之神中有開天立極之君中有主宰
玄機大神中有三元皇君丈人中有司掌五
靈五炁四時四序太歲尊神離合化體无量
度人今日校錄諸天臨軒

東方无極啓靈神王長生大聖无量度人
南方无極華景神王長生大聖无量度人
西方无極育素神王長生大聖无量度人
北方无極元精神王長生大聖无量度人

東北无極定運神王長生大聖无量度人
東南无極開生神王長生大聖无量度人
西南无極成德神王長生大聖无量度人
西北无極玄寶神王長生大聖无量度人
上方无極天樞神王長生大聖无量度人

地六

六

下方无極地關神王長生大聖无量度人

十方至真主化神王長生度世无量大神並
乘飛雲絡輦丹輿扶華翠葆駿駕瑞獸五色
驪龍建流火之節玄耀大幡前導十天妙樂
後參三界謠歌赤文洞章和合生音十華啓

靈寶度量人上品妙經

塗七精捧轅億仙萬真吟詠而來遊空步虛
召炁攝雲天樞丞相无極元官九靈玄佐化
无炁大神執籙持符齊到帝庭隨所開化運幹
諸天普告三界洞冥六關青館丹池黃關泉
臺離合陰陽化體五行驅役感變萬類生成
包羅流布二炁飛騰大化交周升降相纏元
運四虛綱紐回旋把握元機陰魄陽魂玄悟
真妙神飛玉京朱陵火鍊仙化超升升真受
度劫劫長存陰陽輪轉與天齊年永離鬼魔
干試之難超凌三界逍遙太清太清之天天

帝化光無色之境梵行

東方八天

曜棋靈藪天

帝重機沖玄

瑜昉智參天

帝福世化仙

乙羅沖試天

帝都智益相

景妙盡思天

帝觀察九幽

田靈緒成天

帝露芝淵嶽

離真合名變極天

帝迮達玄通

道依顯靜虛神天

帝猷神令思

歷思證理明通天

帝定旋希元

靈寶先天度量上人上品妙經

南方八天

持容慶緒拱化天

帝道輔赤明

樂佑思真管熙天

帝孟若享良

魯咸至中天

帝遵徒詢

英齊裕管天

帝嶧求滿真

栗還玄沖天

帝邈暢洞禹

周極盟真天

帝卓湛起玄

明洞秘思天

帝幾先承臯

康宗揚義超舞天

帝動常遜

西方八天



卷第六十九

敦極洞皇天

帝玄華定明

照志演微天

帝道萬有來

太始昭生天

帝本希冲遙

嚴極靜修天

帝安丘居疇

直輪渾樞天

帝彥樂想敷

吉令化時天

帝碧琳次回

溫閔成儀天

帝鐸儲庸良

肅圓恭慶天

帝熙德重光

北方八天

惠祖龍坡天

帝全無定生

靈寶度量上人妙品經

寂無常善天

帝無玄敬充

蒙玄靈示天

帝遁伯高

妙度進良天

帝望宗景昭

灝景護真天

帝宥慶離丞

九真太羽天

帝變常宗

默和隆度天

帝耀河司靈

幽無委玄天

帝爽功仲勳

三十二天三十二帝諸天隱諱諸天隱名天
中空洞自然靈章諸天隱韻陰陽之音五行
之尊離合之神化體自然窮變之靈九和十

合變化上清无量之奧深不可詳敷落神真
普度天人今日欣慶受度歷闕諸天呼陰召
陽聚散激熾春木孕火爲夏之炎秋金育水
爲冬之寒四季運土萬物生全三炁化體離
合幽關二景騰變乃辨五行三炁結精鼓躍

陶鎔飛伏沉顯道行其權三界直立萬類俱
安再離再合神精播宣玉丹凝結形具質靈
化體萬變一真自然真王持鑰啓闕天門東
斗生陽西斗誕陰陰陽斗降金魄木魂北斗
玄津南斗赤明中斗總御常司衆靈青帝發

生白帝成形赤帝敷養黑帝通精黃帝定意
檢策萬神青天魔王巴元醜伯赤天魔王負
天擔石白天魔王翻山六目黑天魔王監醜
朗馥黃天魔王橫天擔力五帝大魔萬神之
宗隨炁離合體化周流飛騰翕張與道為儔

地六

九

建植大器分布九丘經營天地掌握神兵持
符執節飛行太空自號赫奕諸天齊功上天
度人嚴攝北鄭黃老奉詔殄滅妖祥變龍御
毒麟騎驅鋒參尾警前赤甲揚旌擲火萬里
流鈴八衝敢有干試拒遏上真素靈前戰火

兵後刑陰蕩鬼魅殺伐邪精明晨定錄考校
無停魔無干犯鬼無迹形六天列曹案察鬼
營不得容隱風火驛呈普告三元萬神咸聽
九淵上佐簡奏太清洞劫綿曠太始龍康眇
眇億劫混沌之中離合陰陽五性自生化體

空常上窮三色下極重淵風轉九虛金火乘
天天上天下無幽無冥無形無影無極無窮
溟滓化炁遺廓交纏丹光啓圖劫歷自然元
始安鎮敷落五篇赤書玉字八威龍文保制
劫運使天長存梵炁彌羅萬範開張元網流

靈寶元量度人上品妙經

演三十二天輪轉無色周迴十方旋斗歷箕
回度五常三十五分總炁上元八景冥合炁
入玄玄中太皇上帝高尊汎景太霞嘯詠
洞章金真朗郁流響雲營玉音攝无靈風聚
煙紫虛鬱秀輔翼萬仙悉由陰陽離合五行
化體顯充妙炁生成感變正道開化至真真
中有神長生大君青華大帝皓靈尊神太乙
務馱司命理明桃康主命合延帝尊執符把
籙保命生根上遊九清出入黃房玄丹之內
絳闕之中下鎮六扉洞穴蒼精中理五炁混

合百神十轉迴靈萬炁齊仙仙道貴生无量
度人上開八門飛天法輪罪福禁戒宿命因
緣普受開度死魂生身身得受生上聞諸天
諸天之上各有生門中有離合化體之章真
玉靈篇辭參高真

地六

十

第一離合飛空之音

一炁既闢

萬化通流

離合陰陽

大劫交周

九天八極

三十二關

一離一合

炁數推遷

明明元象

下應人身

森羅宮闕

統備百神

欲斷輪轉

順修五行

五行變化

是爲天元

爾能識之

舉形飛仙

靈府濁昧

爲道不成

豈知悟道

神炁同升

陰陽離合

萬物循萌

逍遙過三界

自然無死生

神飛步圓羅

雙闕朝高真

第二真人化體之章

控駕遊八冥

停景崑山阿

金闕禮虛皇

鬱藹乘大霞

化體空無中

生成濯玄波

拘形欲未竭

陰念無津涯

業念相追尋

漫漫沈愛河 一墮穢濁境 苦道與悲歌

我今敷至教 正炁遏邪源 赤文度群品

黃旗招大魔 永以享大福 億齡奚足多

嗟爾塵中子 背真其如何

第三五行陰陽歌曰

地六

渺渺三天上 巍巍白玉京

十一元始御明景

立此大化根 陰生結黃華

陽光敷赤輪

二炁相纏羅 太空流五行

七景忽騰變

萬彙從此生 五行互遷改

誰測敗與成

神霄執玄紀 總校諸天人

左攝三界魔

靈寶无量度人上品妙經

右制六天兵 寶章召和炁 玉符集百靈
天丁秉瓊鉞 赤帝擲流金 收捕群魔醜
境土皆澄清 普天被真蔭 億劫保無傾
此三界之上飛空之中真王歌音音參洞章
誦之百徧名度南宮誦之千徧真王保迎萬
徧道備飛昇太空過度三界位登仙公有聞
靈音真王敬形敕制地祇侍衛送迎拔出地
戶五苦八難七祖升遷永離鬼官魂度朱陵
受鍊更生是謂无量普度無窮有祕上天文
諸天共所崇泄慢墮地獄禍及七祖翁

道言此二章並是諸天上帝及至靈仙王隱
秘之音陰陽離合之奧五行化體之機啓造
天地三界剖析混沌之音皆是大梵之言非
世上常辭言無韻麗曲無華宛故謂玄奧難
可尋詳上天所寶秘於神霄玉清王府東華
經室數歷壬辰依玄科下傳若有至人齋金
寶質心依舊格告盟真王然後而付焉

道言夫天地運度亦有否終日月五星亦有
虧盈至聖神人亦有休否末學之夫亦有疾
傷皆陰陽離合化體變現之象凡有此災同

炁皆當齋心修齋六時行香十徧轉經福德
立降消諸不祥无量之文普度無窮

道言夫末學道淺或仙品未充運應滅度身
經太陰臨過之時同學至人爲其行香誦經
十過以度屍形如法魂神經上南宮隨其學

地六

十二

功計日而得更生輪轉不惑便得神仙

道言夫天地運終星宿錯度日月失明四時
失度陰陽不調國畿水旱疫毒流行兆民死
傷師友命過此爲陰陽五行離合化體之變
皆當修齋行香誦經夫齋戒誦經功德甚重

上消天災保鎮帝王下攘毒害以度兆民生
死受賴其福難勝故曰无量普度天人

道言凡有是經能爲天地帝主兆民行是功
德有災之日發心修齋燒香誦經十過皆諸
天記名萬神侍衛右別至人尅得爲聖君金
闕之臣諸天記人功過毫分無失天中真王
亦保舉爾身得道者乃當洞明至言也

諸天中大梵隱語无量音

道君撰

元始陰陽離合五行化體靈書玉篇

東方八天

靈寶度量上人上品妙經

登岐伽當 漏采殊華 畢遥晉竟

陽職奔涯 畧粟延鎮 歌并容夸

吳嶺睦齋 煙迷備賒 耀戴紀落

匪清晦陳 遘逮嬰緒 命列逾秦

酢推晏優 隸湖閱臻 惑習疲驛

延剛保垠

地六

南方八天

十三

墩籍肆濡 騫連法眸 定微勤索

益名齒都 昕京墉傍 蔑神論壬

既懇甫比 演質元存 亮澤育嶽

卷第六十

遮地密真 禱胥愛節 聊安步仲
觀羅曷帝 妙赤祕輪 學但管茂
紀并家寅

西方八天

鈕鐸率堅 蘭康滋孫 敬鞠間熾
躍持求昆 琥驛傳牘 韓機郁文
驗考道聰 沂林啓昏 極侯備衷
邪牢雌能 弼劉夷黠 時圖印成
迮淵期虛 亶仝幽岑 魯淡蹇望
胡遶救金

北方八天

信祖熙路 宿恭召經 絡斗俯胃

青君奕賓 本應師鐸 元堂古陳

別則仇敏 移精竹琴 誥宗宜竦

閣德宛循 亭徽保際 坤山野侖

猛敵象魔 攷猷竊靈 敕意天放

聊維幾雲

道言此諸天中大梵隱語无量之音舊文字
北斗元魁南斗天箕施行陰陽運轉五行鎮
三界於混極立玄機於太清離合得以交其

道水火得以榮其靈統攝群類與真合盟浩劫不竭謁帝玄庭字皆廣長一丈天真皇人昔書其文以爲正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勲真王保

地六

十四

舉神霄道備剋得遊行三界昇入金門此音無所不辟無所不穰無所不度無所不成天真自然之音也故誦之致飛天下觀上帝遙唱萬神朝禮三界侍軒群杖束首鬼精自亡琳琅振響十方肅清河海靜默山嶽吞煙萬

靈寶无量度人上品妙經

靈振伏招集群仙天無氛穢地無氛塵冥慧
洞清大量玄玄也

元始无量度人上品妙經卷之十六

八十第六十卷
